THE EWY WI' THE CROOKED HORN.

O WERE I able to rehearfe,
My ewy's praise in proper verse,
I'd sound it out as loud and sierce
As ever piper's drone could blaw;
My ewy wi' the crooked horn,
A' that ken'd her could hae sworn
Sic a ew was never born,
Hereabouts nor far awa'.

She neither needed tar nor keel, To mark her upo' hip or heel, Her crooked horny did as weel, To ken her by among them a'.

My ewy, &c.

A better or a thriftier beast
Nae honest man need e'er hae wish'd,
For filly thing she never miss'd
To hae ilk year a lamb or twa.

My ewy, &c.

The first she had I ga'e to Jock,
To be to him a kind of stock;
And now the laddie has a slock,
Of mair than thirty head and twa.
My ewy, &c.

The niest I ga'e to Jean; and now,
The bairn's fae bra', her fauld fae fu',
The lads fae thick come her to woo,
They're fain to sleep on hay or straw.
My ewy, &c.

Cauld or hunger never dang her,
Wind or rain could never wrang her;
Anes she lay an owk and langer
Forth aneath a wreath o' inaw.
My ewy, &c.

When ither ewies lap the dyke, And ate the kail for a' my tyke, My ewy never play'd the like, But tees'd about the barn wa'.

My cwy, &c.

I looked ay at even for her, Left mishanter should come o'er her, Or the fumart might devour her, Gin the beastie bade awa'. My ewy, &c. Yet last owk for a' my keeping,
Wha can tell it without greeting,
A villain came when I was sleeping,
Staw my ewy, horn and a'.
My ewy, &c.

I fought her fair upo' the morn, And down aneath a bush o' thorn There I fand her crooked horn; But my ewy was awa.

My ewy, &c.

But gin I find the loon that did it, I hae fworn as well as faid it, Altho' the laird himfelf forbid it, I shall gi'e his neck a thraw.

My ewy, &c.

I never met wi' fic a turn; At e'en I had baith ew and horn Safe steikit up; but 'gain the morn, Baith ew and horn was stown awa. My ewy, &c.

A' the claife that we hae worn,
Frae her and her's fae aft was fhorn;
The lofs o' her he could hae borne,
Had fair strae death ta'en her awa.

My ewy, &c.

O had she died o' croup or cauld, As ewies die when they grow auld, It had na been by mony fauld Sae sair a heart to ane o' us a'.

My ewy, &c.

But thus, poor thing, to lose her life, Beneath a bloody villain's knife; In troth I fear that our goodwife Will never get aboon't ava'.

My ewy, &c.

O all ye bards ayond Kinghorn, Call up your muses, let them mourn Our ewy wi' the crooked horn, Frae us stown, and fell'd and a'.

My ewy, &c.

The Cuy wi' the crooked Hoin.

